

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono. (1811)

## QUÆSTIO MEDICA

Lucy 1511

Quodlibetariis disputationibus, manè discutienda in Scholis Medicorum, die Martis septimâ Februarii.

M. JOANNE CORDELLE, Doctore Medico, Præside.

*Dantur ne certa graviditatis signa?*

**P**ERFECTIORA animalia quæ motu vitæ choream instituunt (& quo deficiente, quidquid in eis est abstrusum, sensibusque incompertum, aspeclabile nobis, & obvium nunquam exhibetur) ex semine ortum habent, & maris & feminae sexu distinguuntur. Ab utroque etiam materiam quandam conferri oportet, in qua vis & potestas utriusque non modo, sed quasi compendium continetur existentiae, ut semine conjuncto (ne genus universum intercidat) tertium quoddam ejusdem speciei, quod perdurare, diu non poterat, in vicem generantis substituitur. Quemadmodum natura propagandæ speciei, incredibili cupiditate studiosa, præter insitum omnibus generandi ardorem, eam partium structuram, eamque organorum fabricationem plenius adornavit, quibus Mas quidem in alio, non in se, Femina in se ipsa, non in alio generaret, cuncta sic Animantia, etiam si rationis expertia, ætateque tenera, provident tamen non secus ac si prudentissima essent, ut (quod per materiam illis minime liceret) genus suum sit superstes mundoque coarum.

**S**USCIPIENDÆ prolis gratia, dum Mas & femina generationis opus aggrediuntur, simul & eodem tempore, semina sua effundunt. Mas quidem in uteri cervicem, Famina vero in proprium uteri sinum, qui quidem uterus, mirâ adeo structurâ præditus est seminis virilis recondendi, ut illud statim ac emissus est, suscipiat, & in proprium sinum complectatur, ac foveat accuratè, ibique illa duo semina exquiritè uniuntur & permiscuntur, adeo ut ex duobus unum fiat, uterisque ætissime comprehendat, tamque pretiosum naturæ depositum ad tempus servandum constringatur, ac corrugetur. Illiusque orificium internum exquisitè adeo clauditur, ut ne graphii quidem mucronem, ut aiunt arcanorum naturæ scrutatores curiosi Anatomici, admittere queat. Utriusque semina ovorum si placet specie ficta, membranulis includuntur, & calore uteri foventur, eorumque spirituum motus & calor suscitantur, & nunquam admiranda fati illa vis Plastica, in actum reducitur, & partes quæ antea quasi confuse & inertes delitescabant in semine, sensum sine sensu explicantur, & in tam ornata, ac ordinata dispositione componuntur, ut tam perfectum ex illis producatur opus, in quod *Θεός* quasi sigillo obsignatum admirantur omnes.

**S**EMINA à toto corpore sunt decidua, generationisque propriæ dictæ præcipua, jurè, appellantur fundamenta & elementa, ut partium delineatio, conformatio. In hoc quidem generationis opere quatuor tempora sapienter distingues, *πρῶτον* dicitur quo tempore membranae foetum involventes explicantur, *κίνησις* cum nulla appareat delineatio, sed quasi massa informis, *ἐμστροφία* ubi delineatio perficitur: *Παύσις* vero in quo exquisita partium descriptio & conformatio absolvitur. Multa quidem ad hominis conceptionem requiruntur; semen nempe fecundum, quod crassum & glutinosum esse debet, album, spumosum, temperatum, spiritum benignitate persusum, in testibus probe elaboratum, ex sanguine ad eos affluente idoneo, ad foetus partes producendas, non solum virtualiter ut ita dicam, sed etiam materialiter concurrens, quale profunditur à sanis, robustis, media ætate florentibus, nec præter modum veneri indulgentibus.

**I**NEPTI vero ad procreationem pueri censendi sunt, qui propter incrementum carent laudabili semine; Senes quibus ob caloris penuriam semen est languidum & frigidum, Ebrii propter superfluum humiditatem, Aegri propter virium infirmitatem. Bona temperies & symmetria partium genitalium, laudabilis quoque uteri structura & *διάρκεια* requiritur, quæ scilicet nec angustia, nec obstructione, nec contorsione, nec oris obliquitate impediatur, nec magis idoneum semen reperitur in his in quibus æstu immodico torreat, aut frigore torpescat, humoris copia obruat, aut denique siccitas aut defectus alimentorum corrumpat. Quibus accuratè perpenfis, concubitus idoneum tempus, ne opus & oleum perdas, observabis diligenter, quod desinentibus menstruis, commodum reperies, cum prolis desiderio afficitur uterus. Tunc enim majori incensus voluptate, si maxime utriusque seminis fiat occurfus, tam charum avidè depositum amplexabitur, & ita coercebit, ut non modo uterus semen proleat, sed quasi in hoc solum acquiescat, exceptum foveat, & ad agendum sua sorte beator excitet, unde soboles, quæ motu proprio, manifesta prodit.

**U**NICUIQUE ergo parti cum sit actio propria, ut ventriculo chylosis, sic & utero conceptio, quæ simul arguitur infantis motu. Statim enim atque partes omnes in unum quasi concentum nexuit, cerebrum-que ipsum quod postremum omnium absolvitur, quanquam ab initio rudimenta duxerit suæ conformationis, sensus facultatè, foetui non initio tam necessariâ, tandem illustratur: tunc maxime si lactis promtuarium mammillæ intumuerint, sanguis ad mulieris loculos affluerit: signa tanquam maturæ viro virginis prodeuntia; non secus ac si post veneris actum semen non exciderit, sanguis singulis mensibus excerni solitus supprimatur, os uteri cum mollitie conniveat, ventris primum depressio seu planities, tum tumor sine pondere, vultus pallor, oculorum albicantium cavitas, palpebrarum gravitas, inguinum tumor appareant; nausea, pica, malacia, animi deliquia, urinæ albicantes & perspicuæ, ac nebulae lanæ tenuiter carptæ similes, pulsus vehementia, corporis torpor, ingens ad somnum proclivitas. Verum illis certiora sunt lactis generatio in mammarum glandulis, in quibus congenita est vis *γαλακτοποιητική* non secus ac *σπερματοποιητική* testibus, portione chyli & sanguinis alendo foetui idoneo ad eas confluente, unde lac fit alendo foetui exituro perfectissimum alimentum. Graviditatis autem *σημείον* si ad uteri regionem manum calidam molliter admoveris, motumque lenem, blandum, ordinatum ac vitalem perceperis, quo venter inferior impellatur & inæqualiter attollatur.

*Ergo certa dantur graviditatis signa.*

DOMINI DOCTORES DISPUTATURI.

M. Alexander Petrus Mattot.

M. Claudius Bourdelin.

M. Joannes Franciscus Foy-Faillant.

M. Alexis de Littere.

M. Philippus Ignatius Save.

M. Petrus-Joannes Burette.

M. Petrus Pourret, unici Fratris Regis Medicus ordinarius.

M. Antonius de Caën.

M. Dionysius Dodart.

Proponerat Parisiis MATHÆUS DIONYSIUS FOURNIER, Parisinus, Baccalaureus Medicus. A. R. S. H. 1696.

